

增修登州府志卷之二十三

水旱豐饑

晉

太康六年三月辰廣不其等四縣隕霜傷桑麥

北魏

景明四年七月東萊東牟好妨害稼

唐

興元二年秋螟蝗自山而東際於海晦天蔽野草

木葉皆盡

增修登州府志

卷二十三

水旱豐饑

一

貞元二年夏旱蝗東自海西盡河隴羣飛蔽天旬

日不息草木葉及畜毛靡有子遺民蒸蝗食之

會昌元年秋登州雨雹文登尤甚破瓦害稼

宋

端拱二年登萊旱大饑

淳化元年文登牟平饑

景祐元年春登萊旱饑

治平元年登州旱

金

天會六年登州大水 十一年大旱饑

大定二年寧海州蝗害稼民死者衆 十六年登

州旱蝗

元

至元十年寧海州饑 二十四年登州淫雨傷稼

三十年九月登州蝗

元貞元年冬十月文登大水 二年冬寧海文登

大水

大德元年牟平文登饑八月又大旱 五年五月

增修登州府志

卷二十三

水旱豐饑

二

寧海州大水秋風雨害稼 六年萊陽寧海饑

至大元年寧海大饑 二年三年登州寧海州俱

饑

至治元年十二月寧海州蝗 二年登州饑

泰定二年寧海饑

天曆元年登州寧海州有年 二年文登大饑

至順元年牟平文登饑

至正二十三年六月文登好蚘生七月招遠萊陽

及登州寧海州好蚘生 二十七年招遠大稔

明

建文元年至三年登州各屬蝗

正統元年夏各屬蝗 六年秋各屬蝗

景泰三年大嵩等二十衛所久雨壞城

天順四年夏各屬旱

成化十二年各屬大有年 十三年蓬萊先旱後

澇傷禾 十四年六月蓬萊大雨河水驟溢

宏治五年各屬大旱 十四年五月各屬雨雹殺

禾 十七年寧海大水

增修登州府志

卷二十三

水旱豐饑

三

正德元年七月文登大雨海溢禾稼淹沒地爲斥

鹵 二年各屬饑 四年各屬大饑人相食

八年四月文登萊陽隕霜殺稼夏各屬飛蝗蔽

日 十一年秋蓬萊大水寧海蝗文登旱澇爲

災

嘉靖四年六月蓬萊大雨壞城 七年各屬大饑

死者載道 八年八月棲霞雨雹 十二年至

十四年各屬蝗禾稼食盡 十八年秋文登大

水 二十年黃縣二月不雨至六月始雨仍有

年 二十一年春黃縣大風霾沙壓田禾旱蝗  
不爲災 二十五年寧海文登大水九月文登  
雨雹 二十六年寧海春饑夏旱秋大水 二  
十七年蓬萊大雪平地三尺餘人畜多凍死  
二十九年四月蓬萊大雨雹 三十一年四月  
二十六日蓬萊近郭雨霰數寸次日大風發屋  
拔木 三十六年各屬無麥 三十七年蓬萊  
大饑 三十九年夏各屬大旱蓬萊爲甚秋霽  
雨水溢 四十年蓬萊大饑

隆慶元年六月朔蓬萊大風雹積冰三日不化淫  
雨月餘秋大風發屋壞禾 二年春蓬萊大饑  
夏不雨 三年春洊饑 四年秋文登大水禾  
稼盡淹漂民廬舍

萬曆四年三月文登風雨狂暴禾苗盡傷 七年  
六月晦蓬萊招遠等縣大雨平地水溢山摧石  
崩淤田畝漂民居沒人畜無算 十年秋黃縣  
大雨井泉泛溢文登雨雹湯泉溢豆盡傷 十  
一年秋蓬萊黃縣雨鹹水殺禾稼饑 十二年

蓬萊大饑 十三年福山文登大饑 十七年  
秋蓬萊文登等縣大雨 二十年夏黃縣大水  
二十二年五月各屬大雨雹傷禾民大饑  
二十四年七月招遠大風捲海南溢淹禾豆  
二十八年福山麥穗雙歧 三十一年黃縣饑  
三十二年蓬萊黃縣夏旱秋大水 三十八  
年夏各屬大旱 三十九年三月寧海大雨雹  
四月蓬萊大雨雹 四十一年夏各屬大旱七  
月初七日蓬萊福山文登等縣異風暴作大雨

如注經三晝夜廬舍傾圮老樹皆拔禾稼一空  
蓬萊海嘯入城沿海居民溺死無算 四十二  
年春黃縣福山饑黃縣大風拔樹夏蓬萊大旱  
無麥六月黃縣颶風海水溢淹禾稼屋舍秋蓬  
萊黃縣淫雨山水衝淹田禾 四十三年各屬  
大旱饑自三月不雨千里如焚至七月初九日  
始雨又至九月不雨蝗蝻徧野人噉木皮城幾  
罷市 四十四年春各屬游饑至人相食餓殍  
載路盜聚夜劫市賣子女 四十七年夏各屬

旱八月蝗 四十八年蓬萊棲霞六月不雨七月初八日蓬萊海溢文登大風拔木折屋壓死人畜甚衆八月寧海大雨雹

天啓元年寧海蝗 二年文登蝗夏棲霞雨雹  
三年四年秋福山俱大水自三年至五年各屬俱大有年 六年文登五月大雨雹二麥盡傷  
閏六月大雨淹禾七月大風拔木 七年秋福山大水

崇禎元年秋福山大水 四年棲霞大風傷禾秋

增修登州府志

卷二十三

水旱豐饑

六

福山寧海大水 五年正月朔棲霞大風霾  
九年棲霞大水蝗 十一年各屬春不雨夏蝗  
飛蔽天食穀殆盡秋螽蟻徧野蝗復大起無禾  
十二年春各屬饑寧海文登飛蝗蔽空秋黃  
縣穀秀雙穗有一莖四五穗者福山大大有年  
十三年夏各屬大旱飛蝗蔽天傷稼秋大饑  
十四年游饑民死大半文登棲霞至殺人而食  
十五年二月蓬萊大風拔木壞屋

國朝

順治元年四月棲霞大霜傷麥 二年黃縣大有  
年 七年春夏文登旱秋萊陽文登大雨水漲  
禾稼盡淹饑 八年春萊陽饑 十年六月蓬  
萊雨四十餘日大水 十一年冬招遠大雪乎  
地數尺房舍傾圮民有不火食者 十二年至  
十四年招遠俱大有年 十三年寧海棲霞大  
有年

康熙三年蓬萊三月大雨雪奇寒四月大霜傷麥  
五月萊陽寧海旱八月萊陽好蚌生 四年各

增修登州府志

卷二十三

水旱豐饑

七

屬大旱無麥大饑 五年福山大有年 六年  
三月朔萊陽大雪夏旱無麥六月福山大雨至  
八月始止稼傷過半 七年六月文登烈風三  
日禾稼傷盡饑 八年三月萊陽雪 九年福  
山旱地無苗冬復大雪平地丈餘人多凍死  
十年三月萊陽大雪六月文登大雨三日海溢  
漂損廬舍禾稼盡淹萊陽大水秋福山無雨  
十一年福山春旱夏麥大稔七月萊陽蝗不爲  
災八月文登大雨雹稻盡傷 十二年福山招

遠春夏大旱二麥盡槁 十五年棲霞大有年  
十六年四月蓬萊大風摧木 十九年秋福  
山大水 二十三年福山大有年 二十四年  
黃縣大有年三月福山大水文登大風拔木十  
月福山大雨數日 二十五年秋蓬萊大水  
二十八年春文登饑 三十年七月各屬飛蝗  
遮天食傷禾稼旋遭雨斃八月棲霞蝻生饑  
三十一年正月朔蓬萊大風拔木毀屋秋穀生  
三穗豐收 三十三年萊陽饑四月雨雹害稼  
二麥皆無 三十五年文登大水大饑秋棲霞  
饑 三十六年黃縣福山棲霞萊陽大饑 四  
十二年春各屬大水五月大旱至八月不雨無  
禾大饑人相食 四十三年春仍大饑民死大  
半榆皮柳葉皆盡至食屋草 四十五年福山  
招遠文登大有年 四十八年秋萊陽文登雨  
傷禾稼饑 四十九年福山饑 五十三年十  
二月朔福山大雷雨河水俱漲 五十五年夏  
福山旱七月初五日各屬雷雨大作溪流橫溢



大木俱拔 五十六年福山旱八月萊陽文登  
雨雹 五十七年福山大旱七月黃縣大風雨  
經一晝夜禾粒搖落大木多拔 五十八年福  
山夏旱秋大水七月萊陽文登大雨水溢漂溺  
房屋禾稼盡傷 五十九年二月黃縣雨雪黑  
如炭屑麥苗多萎棲霞大水 六十年各屬大  
旱 六十一年仍大旱無麥

雍正元年九月棲霞蝗食麥苗殆盡萊陽寧海饑  
文登大有年 二年二月棲霞好舫生傷禾苗

增修登州府志

卷二十三

水旱豐饑

九

夏無麥五月福山雨雹大如雞卵冬文登大雪  
四年黃縣招遠大有年 五年冬福山大雪  
深數尺 八年黃縣大水 九年春黃縣招遠  
文登饑 十年福山饑 十一年萊陽寧海澇  
饑 十二年秋黃縣大有年

乾隆元年海陽饑福山大雪 四年文登榮成先  
旱後澇歉收 五年三月福山大雪寒甚五月  
文登榮成海陽雨雹九月福山大雪盈尺 六  
年各屬大有年 十年三月棲霞大風拔木秋

福山棲霞有年 十一年夏福山文登大雨傷  
禾秋又大雨 十二年春蓬萊饑五月福山棲  
霞文登旱六月又淫雨而月黃縣蝗食穀葉殆  
盡大饑七月十五日福山棲霞寧海文登榮成  
烈風拔木雨復大作禾稼盡傷 十三年六月  
福山棲霞文登榮成苦澇飛蝗蔽日饑棲霞尤  
甚鬻賣男女 十四年黃縣大饑餓殍載路賣  
子女無算十月榮成大風 十五年七月黃縣  
大雨河水泛溢衝塌民房沙壓田畝 十六年

春黃縣大饑三月又雨雪雜降奇寒夏秋仍淫  
雨不止福山棲霞淫雨好蚘食禾稼大饑榮成  
淫雨害稼又雨雹民多饑死 十七年春黃縣  
大饑七月棲霞大風損禾寧海文登榮成大水  
饑 十八年春黃縣蝗蝻生捕之不爲災秋黃  
縣福山棲霞文登榮成大年十一月棲霞無  
冰 十九年六月黃縣大雨水溢福山先旱後  
水歉收 二十年黃縣夏旱秋大有年七月文  
登大風傷禾稼屋垣半傾圮 二十一年秋福

山澇 二十五年秋福山有年 二十六年夏  
黃縣麥大稔福山秋稔冬大寒樹多凍死文登  
榮成大雪寒甚 二十七年五月黃縣大水漂  
沒禾麥福山五月至七月數大雨秋澇 三十  
年六月榮成大水衝田壞屋傷人 三十一年  
春夏文登榮成大旱 三十二年三月文登榮  
成大風拔木折屋 三十六年二月文登榮成  
大風拔木越二日又大風 三十七年春文登  
大旱 三十八年文登榮成自六月雨至九月

傷禾稼屋舍傾圮饑 三十九年二月黃縣文  
登榮成大風連日不息麥苗盡損五月黃縣大  
雨雹積厚數寸八月文登蝗 四十年夏黃縣  
文登榮成大旱秋黃縣招遠螟蝗害稼八月文  
登雨雹 四十一年秋黃縣大有年冬大寒海  
凍數十里 四十二年三月黃縣大寒降霜損  
麥改種禾秋稔五月文登雨雹 四十三年寧  
海大饑 四十四年春蓬萊大風四月黃縣雨  
雹擊損麥穗 四十六年正月朔黃縣大雪六

月又大水田禾盡偃屋傾牆圯井水泛溢文登  
大風雨傷禾折屋 四十七年春文登旱五月  
又大雨雹傷禾稼黃縣夏旱螟秋大澇民饑蓬  
萊大水八月招遠文登大雨浹旬禾稼半死穀  
穗生芽 四十八年二月文登大風折屋黃縣  
大饑文登榮成自正月至五月不雨 四十九  
年黃縣夏螟秋澇 五十年黃縣春颶風連作  
損瀕海麥苗六月大熟人多暍死秋大旱招遠  
大水傷禾饑八月文登雨雹 五十一年正月

文登榮成大風拔木雨土黃縣棲霞招遠海陽  
大饑 五十二年黃縣旱 五十三年黃縣旱  
秋文登榮成多雨歉收 五十四年五月文登  
大風寧海大水六月棲霞大雨河溢瀕河居民  
廬舍一空 五十五年夏黃縣麥大稔一穗兩  
歧有一莖三穗者 五十六年夏黃縣麥大稔  
秋澇七月朔文登大風雨 五十七年黃縣春  
夏旱秋螟七月又大風雨雹傷稼 五十八年  
黃縣大有年八月文登大雨雹 五十九年夏

文登榮成旱秋黃縣不雨至冬 六十年蓬萊  
黃縣棲霞大旱大饑招遠饑文登夏旱螟食禾  
秋無雨

嘉慶元年春文登澇秋各屬大有年 二年黃縣  
大有年 三年夏文登榮成旱歉收黃縣大有  
年 四年正月黃縣大雪七月文登大風雨禾  
稼盡傷 五年四月黃縣大風拔樹發屋海陽  
饑 六年蓬萊蝗文登榮成自春至秋無雨草  
木盡枯大饑 七年八月黃縣招遠蝗食麥苗

榮成有年十月黃縣大雪文登蝗食麥苗殆盡  
八年春文登榮成大雪黃縣二月大風發屋  
拔木夏蝗螟交作 九年棲霞春蝗生不爲災  
秋有年七月文登大風禾稼盡傷 十年閏六  
月黃縣風雨損稼饑七月寧海蝗文登雨雹  
十一年寧海無麥蠅生不爲災四月文登雨雹  
榮成自正月至五月澇荒 十二年春夏黃縣  
旱五月文登雨雹秋大有年榮成豆豐收 十  
三年黃縣饑 十四年冬黃縣海凍 十五年

黃縣澇麥實霉爛秋稼歉收五月榮成大雨秋  
無豆十二月二十五日及除日又大雨 十六  
年春黃縣旱夏蓬萊黃縣招遠寧海文登榮成  
旱秋又大水棲霞淫雨四十餘日大風四晝夜  
禾稼盡傷皆大饑 十七年正月朔黃縣雨雹  
大水各屬大饑道殣相望秋寧海大稔榮成豆  
豐收 十八年六月黃縣螟冬無冰棲霞大有  
年 十九年黃縣夏寒五穀不熟秋螟招遠蟲  
害稼冬黃縣大寒海凍百餘里凡兩月 二十

年正月朔黃縣大雪秋大有年 二十一年四  
月棲霞雨雹傷麥黃縣麥大稔 二十三年六  
月文登大雨平地水深數尺民多溺死十二月  
棲霞大雨 二十四年六月二十四日文登大  
風雨禾盡傷饑十二月黃縣大水衝坍橋梁人  
多溺斃 二十五年夏黃縣麥大稔秋有年冬  
大寒人多凍死棲霞大雪山谷皆平

道光元年夏黃縣麥大稔秋文登澇螟食禾殆盡  
榮成春澇夏旱秋螟大饑 二年秋黃縣蝗文

登大有年 四年秋榮成旱歉收 五年秋黃  
縣旱招遠無菽 六年二月黃縣大風壞麥苗  
七年夏黃縣麥大稔六月螟 八年五月黃  
縣暴風拔木屋瓦多飛 九年四月黃縣螟不  
爲災秋大有年 十三年夏榮成初旱後澇歉  
收秋棲霞大水 十五年春蓬萊饑夏文登旱  
四月黃縣隕霜傷麥六月又旱螟蓬萊棲霞大  
雨七月初四日蓬萊黃縣棲霞招遠大風三日  
禾盡抉根大木皆拔大饑文登榮成自六月雨

四十餘日禾菽淹沒八月寧海大雪雷電 十  
六年春各屬旱大饑寧海海溢淹沒民田 十  
七年黃縣無麥 十八年春招遠旱無麥秋又  
無菽黃縣麥大稔文登麥有一莖三穗者四月  
榮成蝗蝻生捕之秋豐收八月寧海雨雪有雷  
蓬萊秋稔 十九年春棲霞淫雨夏蓬萊棲霞  
無麥四月招遠大雨十餘日麥生糜蟲多不實  
秋大雨傷禾又大雨雹榮成自四月至七月大  
雨不止二麥盡傷豆歉收 二十年秋招遠好

蟲食禾稼 二十一年正月二十六日各屬大雪深數尺人畜凍死無算 二十二年七月招遠有蟲傷稼 二十三年七月寧海暴風海溢傷禾稼 二十四年夏招遠淫雨 二十五年二月黃縣大風雨木冰十一月大雪平地深數尺 二十六年三月蓬萊雨雹 二十七年三月朔蓬萊大風發屋 二十八年六月蓬萊大旱寧海蝗 三十年二月蓬萊大風陰霾如晦六月大風雨禾稼多偃秋棲霞大有年

咸豐元年二月蓬萊大雪坏戶六月大雨河溢秋歉收 二年二月蓬萊大風晝暝 三年七月蓬萊大風雨傷禾稼黃縣大風折木傷禾 六年二月蓬萊雨雹七月寧海蝗海陽蝗不爲災 七年夏黃縣蝗八月蝻生食禾殆盡棲霞寧海蝗不爲災秋棲霞大有年穀多雙歧 八年四月海陽大雨并大雨雹積聚成堆禾苗衝沒 二麥不登 九年春黃縣旱至五月始雨無麥 秋有年四月棲霞雨雹大如胡桃冬蓬萊無雪



十年春蓬萊旱無麥秋稔 十一年捻匪竄擾各屬秋禾被傷

同治元年秋七月棲霞旱蓬萊黃縣福山招遠萊陽寧海大雨連綿河水泛漲淹禾稼黃縣又有蟲災皆歉收 四年正月蓬萊大雪黃縣夏旱秋澇六月至七月萊陽數大雨平地水深七八尺禾稼淹沒房舍坍塌無算棲霞大有年 六年夏五月捻匪竄擾傷禾稼萊陽尤甚 八年春黃縣旱秋又旱冬大雪 九年黃縣夏秋旱

增修登州府志

卷二十三

水旱豐饑

十七

冬大雪 十年夏黃縣麥大稔有雨歧者棲霞大有年 十一年夏蓬萊麥大稔棲霞大有年 十二年棲霞大有年

光緒二年海陽旱饑 三年十二月蓬萊海凍兩月舟楫不通各島饑 四年三月蓬萊大風雨土秋棲霞大有年 五年正月朔各屬大風雪 閏三月蓬萊雨雹五月各屬大雨四十餘日大水不成災六月十四日寧海文登海陽榮成大風拔木發屋禾稼盡偃 六年三月十四日福

山大雨河漲夏各屬麥大稔

增修登州府志

卷二十三

水旱豐饑

十八

祥孽  
附

漢

永光四年東萊郡東牟山野蠶繭收萬餘石人以  
爲絲絮

永始二年黃龍見於東萊

後漢

熹平二年黃縣海出大魚二皆長八九丈高二丈  
餘 六年冬十月東萊大雷

中平四年十二月晦東萊雨水大雷電雹

增修登州府志

卷二十三

祥孽

一

晉

太康八年九月木連理生東萊盧鄉

宋

元嘉六年九月昌陽溘于邈獲白兔青州刺史蕭  
思話以獻 十二年正月白麀見黃縣青冀二  
州刺史王方回以獻

大明元年七月丁丑白麀見曲成獲以獻

後魏

太和十九年二月己未地震牟平虞邱山陷五所

一處有水

熙平元年正月曲成木連理

興和二年四月盧鄉木連理

隋

大業八年東萊疫人多死

唐

神龍三年登州刺史畢元愷獲白鹿以獻

開運三年六月文登地內湧出金銅佛像四

宋

增修登州府志

卷二十三

祥孽

二

乾德四年十二月登州獻芝五莖

慶曆六年棲霞地震岨嶠山摧自是屢震輒海底

有聲如雷九月登州言有巨木三千餘浮海而

出十月京東兩河地震登萊尤甚

紹聖四年十二月黃縣盧山觀池水凝結如珠纍

纍成佛塔香爐樓臺花卉諸形狀

元

元貞三年寧海州牟平獲白鹿於聖水山以獻

至正四年二月山東諸路地震有聲如雷 二十

七年三月丁丑朔招遠大社里黑風大起有大  
鳥自南飛至其色蒼白展翅如席狀類鶴俄頃  
飛去遺下粟黍稻麥黃黑豆蕎麥於張家屋上  
約數升許

明

永樂六年正月二十三日登州各屬地震有聲如  
雷至十二月晦方止大震五十有一小震無算  
七年正月二十日復震至三月十四日止  
八年登州寧海諸州縣自正月至六月疫死者

增修登州府志

卷二十三

祥孽

三

六千餘人

正統十年二月十三日蓬萊地大震是月小震凡  
九

成化十四年三月二十九日蓬萊黃風大作 十  
九年十月二十日大星隕於府城西北光五色  
空中如鼓聲終夕 二十三年黃縣文廟殿瓦  
生一瓜一蔓二蒂其大如缶

宏治五年黃縣文廟殿中几龕籩簋徧生芝草  
福山哨村民王姓婦產龍後禱雨有應土人爲

之立祠

正德七年三月文登大桑樹火樹燔而枝葉無損  
成山衛秦始皇廟鐘鼓自鳴殿宇傾圮是月流  
賊劉六劉七擁衆入城六月丁卯夜招遠有赤  
龍懸空光如火盤旋而上天鼓隨鳴 十二年  
九月己卯濟青登萊四府地震

嘉靖十二年十月丙子夜星隕如雨 十八年文  
登澤頭集李鏗家有龍破壁而飛雹隨之爪迹  
尚存 二十五年九月初二日寧海文登地震

有聲 二十七年八月十二日登州地大震城  
爲之崩壞民廬舍無算 三十四年十二月二  
十九日卯初日生四耳俱紅赤色在北者光芒  
奪目 三十五年六月二十日南方一星倏吐  
光焰丈餘夜分羣星三十餘南奔光芒異常七  
月二十六日颶風起府城東南市中鍋器起丈  
餘拔木壞屋 四十年黃縣火龍書見  
隆慶二年三月戊寅登州地震

萬曆七年六月晦大雨招遠東關大河驟溢居民

驚起髣髴見一物狀如牛橫卧中流水逼而西  
千家盡掃 八年文登萬石山崩 二十三年  
府城軍器局災 二十五年冬蓬萊地震有聲  
哼哼如車音良久乃止萊陽文登成山衛同時  
皆震 二十六年春蓬萊地震者三 二十七  
年三月蓬萊地震者再萊陽亦震 三十年冬  
十二月福山地震 三十一年秋八月福山地  
震有聲 三十二年十二月福山地震 三十  
三年七月福山地震 三十五年黃縣黃山館  
產白豕頭有肉角 三十七年春二月福山地  
震如雷七月復震五月福山民盧光恩妻一產  
三男 三十九年十月府城東街梁惠園牡丹  
開 四十年蓬萊產白鳥冬無冰 四十二年  
棲霞任留山鳥巢生異鳥有文采鄉人以爲雉  
少頃鸛鳥畢集乃謂鳳云 四十四年夏秋福  
山大疫死者甚衆 四十六年三月蓬萊備倭  
城西營火秋蚩尤旗見東方每夜白氣亘天東  
西約三丈餘經月不散又彗星長丈餘見於東

北光射中央 四十七年黃縣民家產豬二頭  
四耳八足 四十八年八月招遠民家產豬腹  
下又仰一豬合體無頭四足一尾

泰昌元年十二月甲寅府城北門樓災

天啓元年四月十九日訛言賊兵自東來民皆驚  
走相蹂踐竟夜不息詰旦寂然不知所以自文  
登至昌邑八百里訛言時日皆同人謂之鬼兵  
秋文登地震 二年八月府城西北角樓災  
四年正月日暈春樓霞地震自東北來有聲五

增修登州府志

卷二十三

祥孽

六

月府城東北角樓災黃縣有狼夜入城民格殺  
之十月天鼓鳴 六年七月庚寅府城樓火  
七年六月招遠先師廟棟生紫芝一本三歧  
崇禎二年樓霞見天赤如血 三年正月朔樓霞  
大風霾晝晦六月招遠大雨先師廟殿角有蟄  
龍夭矯飛去 四年五月黃縣關帝廟前井水  
如沸三日 五年夏蓬萊大疫 七年春有沙  
雞自海島飛來搖翅如殺殺聲形如鴿惟食沙  
因名人以爲兵象五月樓霞萊陽地震星隕有



聲 八年棲霞有物出自城南其大如斗形如  
鐵重數觔土人呈於官棄之 十年夏五月黃  
縣灰城曠大風捲地烟焰薄天隱隱見烟光中  
有龍掉尾而去黃霧漫塞萊盧諸山 十一年  
八月黃縣閭家曠民屋棟生芝草二本 十三  
年招遠牛疫死者殆盡 十四年棲霞黃霧四  
塞日無光萊陽疫人死者甚衆 十五年七月  
地震有聲蓬萊棲霞狼入城十一月萊陽民曲  
守行妻一產四男 十六年正月元日棲霞縣  
宅災二月萊陽鸛鳥翔空飛蔽天日

增修登州府志

卷二十三

祥孽

七

國朝

順治元年二月府城颶風大作激海水至壩上是  
夜數處失火春萊陽牛生犢一體二首秋七月  
萊陽興國寺前井出白氣 二年黃縣有一二  
野猪來至海濱繼入山內生育漸多蹂食禾稼  
三年冬萊陽有婦生男一身二首四手一尾  
四年萊陽淺水莊地裂深數丈無際 六年  
夏萊陽牛大疫 八年四月二十六日黃縣萊

山巨石崩聲聞數里 十年夏六月招遠張鳳  
羽家寢室棟生紫芝 十四年春萊陽鵲巢于  
地冬棲霞有虎至次年春足迹見於厲壇後遂  
西去 十五年冬萊陽諸村每夜見白衣人持  
石擊人出與敵輒不見五月乃止 十六年黃  
縣有虎至南山食牛畜三月走入城北于家村  
卧伏園中知縣王作率民役射殺之八月棲霞  
星隕聲如巨雷光芒異常招遠縣衙東南隅生  
芝三本冬天鼓鳴彗星犯北斗 十七年黃縣

姜家村池內並蒂蓮生秋七月萊陽西莊見黑  
龍二大風隨之火光數道傷禾壞廬拔彭家莊  
古柳下成潭九月萊陽有沙雞自南北飛 十  
八年二月夜白氣竟天棲霞豕生異獸一角旋  
斃十二月十二日棲霞白氣壓城頭直亘東西  
四月日生四耳或見若四日並鬪狀歷半月始  
息夏萊陽墓鳴樹上十二月二十九日萊陽雷  
康熙元年正月太白經天白虹貫日春萊陽徐惟  
平妻生男四目四手四足夏四月福山萊陽棲

霞寧海大疫人死甚衆冬十二月十六日萊陽  
縣廳西壁崩壓死三人一乃犯贓吏擬死遇赦  
免者二十七日又無雲而雷 二年正月天鼓  
鳴初二日萊陽見流星大如月光燭地自南而  
北初九日又無雲而雷至二十三日有聲如海  
嘯自西南起至子時方息夏白氣冲天十一月  
萊陽沙雞至 三年三月萊陽羊圈口潮上大  
魚長六丈餘聲如雷旋死八月十七日萊陽地  
震十月望後彗星犯北斗光芒丈餘至十二月

初八日始滅 四年春彗星復見文登地震三  
月初旬長庚晝見十月朔萊陽無雲而雷黃縣  
文廟西梁上生芝草三莖 七年正月日生四  
耳二十五日白虹見西南如匹練有彗星如疋  
布著天見於軫宿閱三月餘歷十五宿而始滅  
六月十七日有聲如雷自東北來全省地大震  
城垣廬舍傾圮無算人畜壓斃不可勝紀蓬萊  
地裂湧白沙黑水六月福山兜余村西井水上  
湧有聲如雷鄉人焚香號祝乃息 八年三月

初九日蓬萊福山地震至初十日五更又震十  
四十五俱地震有聲如雷 九年六月十三日  
日圍有圈色紅黃南方又見紅黃色如彩練東  
西橫披十二月十八日文登紫金崗崩 十年  
十月初二日夜福山地震有聲 十一年青登  
萊三府地震 十六年秋招遠縣署內生瑞芝  
三本 十七年西南一星上帶白氣長丈餘形  
如帚冲入北斗月餘而沒 十八年正月日生  
八環六月初一日寧海文登地震 二十一年

五月初六日雷震文登縣署二堂八月初一日  
彗星晝見至十一日始滅 二十四年十二月  
二十四日蓬萊福山文登地震有聲越二日又  
震 二十五年六月二十八日文登見流星自  
東南起大如斗明如日穿南斗入天河不見卽  
聞天鼓四五陣 二十六年夏六月黃縣龍晝  
見於朱家村煙霧蒙密火毬飛起十月蓬萊棲  
霞文登地震聲如雷自是屢震月餘乃息十二  
月十六日棲霞地震如雷自是屢震月餘乃息

十七日文登地震 二十八年六月初一日文  
登地震 三十年秋七月棲霞訛言有兵變農  
民驚避不知所起 三十七年萊陽民劉明妻  
一產三男 四十二年秋文登大疫民死幾半  
四十三年福山瘟疫死者無算 五十一年  
文登縣民邵宗湯妻一產三男三月十八日福  
山地震 五十二年三月十八日子時福山紅  
光滿處三四兩月棲霞地震十二月初一日  
夜半又雷發聲者三 五十三年黃縣民魏振

先妻一產三男 五十四年三月十八日福山  
夜見紅光滿處 五十九年七月十四日招遠  
見流星光如電天鼓鳴十六日萊陽有赤氣自  
東南起倏如匹練橫亘向西北去有聲如雷  
雍正元年黃縣城北池蓮生並蒂 三年二月日  
月合璧五星連珠 七年十二月二十八日夜  
分福山紅光滿處寧海正北慶雲五色經三時  
始收羣稱嘉瑞從來未有 八年黃縣民高從  
義妻一產三男 九年蓬萊民張學倫妻一產

三男 十年四月朔後日色慘澹若沙蒙霧罩者然十七日日色赤如血中有二黑子動搖未申閒日中黑暈一道色赤更甚如此數日

乾隆元年十一月二十四日黃縣福山文登地震又連震數日 二年九月黃縣有狼白晝入城縣民擊殺之 五年十二月初一日黃縣地震二十四日又震海出大魚長六丈其骨專車

六年二月彗星見西方長丈餘七月復見至十月始滅 七年十月彗星又見 九年秋彗

星見於西南三月始沒 十一年十一月十九日黃縣大燠 十二年十一月十九日蓬萊微雨雜雪雷聲連發 十三年春福山大疫死亡接踵 十五年五月黃縣文昌廟柏樹開花棲霞民李文振妻一產三男 十九年棲霞牛疫死者過半 二十年七月初旬黃縣南池並蒂蓮生中旬復生 二十九年秋訛言有兵至民驚散逃竄自黃縣至文登凡三百里訛言相同三十年二月十一日文登榮成地震者屢

三十二年六月二十日文登榮成地震 三十  
四年黃縣民王偲妻一產三男秋彗星見 三  
十五年七月二十九日榮成夜見北方紅光燭  
天 三十八年十二月除日黃縣叢林冶基寶  
塔三寺鐘鼓自鳴 四十年八月十七日亥時  
文登榮成地震 四十一年正月朔黃縣黃霧  
蔽空 四十三年冬黃縣無冰百花開 四十  
五年招遠呂氏瑩域木生連理 四十七年蓬  
萊瘟疫 五十年夏六月黃縣大熱八月初十

日黃縣文登地震 五十五年十月初六日文  
登榮成地震 五十六年十月初九日文登榮  
成地震 五十九年二月初六日亥時黃縣署  
內科房災

嘉慶元年二月榮成有聲如雷自東北向西南  
二年十一月二十二日榮成天鼓鳴 三年四  
月黃縣海出大魚長數十丈六月中旬大熱人  
喝死無算 四年正月二十五日文登榮成地  
震十二月朔蓬萊大霧竟日氣如硫磺 六年

四月榮成有星見於北方色赤如火狀西折如  
龍五月棲霞邱家村王氏婦化爲男子 十年  
六月黃縣大熱人多暍死 十一年十月十四  
日黃縣地震十一月十八日又震 十二年七  
月彗星見西方至十月始沒 十五年正月十  
七日榮成黃霧充塞夜大風春文登野狼爲害  
十六年彗星見長三丈餘四月初九日申時  
文登地震五月初三日七震天鼓四鳴初四日  
三震初五初八十四等日六月二十三日皆震

九月十六日凡三震九月彗星見西北經兩月  
始滅 十七年各屬大疫 十八年文登狼復  
爲害彗星見 二十年彗星見於西 二十一  
年文登狼害更烈知縣召募獵戶捕之至二十  
三年始息 二十二年四月初八日榮成地震  
如雷 二十三年秋七月黃縣有熊走入位莊  
村土人用鳥槍擊斃 二十四年十月十二日  
黃縣地震十六日又震

道光元年四月朔日月合璧五星連珠六月至



八月各屬大疫死者無算至十月乃止 三年  
六月文登地震 五年夏黃縣城南池並蒂蓮  
生 九年十月二十三日黃縣地震 十一年  
海陽民孫洪妻一產三男 十二年蓬萊瘟疫  
十三年夏四月十八日招遠羅山石崩一角  
聲聞數十里棲霞白氣竟天 十五年夏彗星  
見西北秋招遠後芥村臺子村俱蓮開並蒂  
十六年春海陽大疫 十九年十二月十二日  
榮成大雷十六至二十三日又大雨 二十二

年秋有白氣見於西南長數丈數月方没 二  
十三年三月初八日夜棲霞地震 二十四年  
夏白氣竟天八月二十五日寧海地大震移時  
方定 二十六年春夏黃縣大疫幼孩夭傷無  
算六月十二日黃縣寧海地大震 二十七年  
太白晝見六月朔蓬萊見大星隕於東南其巨  
如盃 三十年正月朔大霧雨水山野枯草皆  
被冰林木如介初三日棲霞聞天鼓鳴  
咸豐元年六月初五日彗星見 二年三月黃縣

民王經魁妻一產三男 三年正月二十二日  
黃縣黃霧四塞著人衣皆黃二月初十日棲霞  
雨土三月初七日棲霞地震五月初七日日色  
赤如血人影皆如披毳夜月赭無光七月黃縣  
大風鳳皇山塔圮 四年八月彗星見西北長  
尺餘數日滅 五年十二月初一日棲霞地震  
初五日黃縣地震 六年二月初九日棲霞雨  
穰初十日各屬大風揚塵日無光三月二十五  
日日色如藍無光五月彗星見光芒甚長七月

寧海大疫 七年十二月二十六日蓬萊地大  
震有聲如雷自西北來自此數震 八年正月  
二十七日蓬萊地復震越二日大震又十餘日  
始止自上年至此凡三十餘震七月初五日日  
月無光者三晝夜八月有星孛於北斗漸移而  
南至天市垣長六七丈芒焰異常二十餘日乃  
滅 九年正月十四日蓬萊鄉民訛言寇至鳴  
銃徹夜至天明始止五月十五日棲霞鐵口社  
民家豕生數豚有無毛而象鼻者有獅頭者有

五爪類虎者旋皆自斃 十年三月彗星見西  
北長二尺餘又一見東南長四五尺數日始滅  
十一年五月二十五日棲霞地震有聲六月  
夜白氣如匹練橫貫南北十餘日始隱八月朔  
日月合璧五星聯珠九月捻患甫息蓬萊黃縣  
皆大疫海陽牛大疫

同治元年七月各屬大疫死者無算半月始止十  
六日初昏衆星交隕多趨西南縱橫如織夜分  
始息冬黃縣大燠 二年正月初二日蓬萊棲

霞大雷雨初七日黃縣雷二十五日又雨木冰  
二月初七日亦如之 四年正月初三日黃縣  
無雲而雷 五年秋太白經天七月二十三日  
棲霞南七星橋地響如鳴鞭絡繹不絕凡四日  
六年二月棲霞天雨草子如蕎麥至六月捻  
匪過境秋稼失時惟蕎麥豐收夏黃縣疫幼穉  
多殤 七年正月黃縣城南池冰結紋如花卉  
枝榦分明至數百本民家盆盎冰亦如之冬雷  
八年海陽民隋元春妻一產三男 九年夏

黃縣城南池蓮開並蒂 十年夏黃縣菜園泊  
王姓家蓮開並蒂 十一年海陽牛大疫 十  
三年六月有星孛於文昌棲霞牝雞化雄海陽  
民李廷簡妻一產三男

光緒元年秋棲霞牛大疫海陽榆林莊東山有潭  
甚深忽空際雲生紅黑隱有龍形潭中白氣突  
起狂風大作拔木走石移時方息 三年棲霞  
城東外泮蓮開並蒂 五年六月蓬萊大雷雨  
羽山北麓黑水噴湧地裂爲溝深六七尺長至

二里餘其南亦震裂一溝長半里許大石中斷  
若斧鑿然二十四日萊陽陰雨忽黑雲中有物  
旋轉怪風突起屋瓦皆飛居民趙姓尉姓房被  
揭去梁棟椽柱不知所之大樹拔折甚多七月  
初十日蓬萊地震越二日又震